



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWASEKHAYA (HL)

LIPHEPHA LESIBILI (P2)

INDLOVULENKHULU/MASHI 2012

IMEMORANDAMU

EMAMAKI: 80

Lememorandamu inemakhasi lange-22.

TICONDZISO TEKUMAKA

- Nangabe umhlolwa aphendvule imibuto lengetulu kwaleyo lelindzelekile, maka timphendvulo letisekucaleni kuphela. (Umhlolwa akumelanga aphendvule indzabambhalo kanye nemibuto lemifisha encwadzini yinye.)
- Esigabeni A (Lulwimi Lwasekhaya nelLulwimi Lwekucala Lwekwengeta), uma ngabe umhlolwa aphendvule ngato tonkhe totine tinkondlo, maka letimbili tekucala kuphela.
- Esigabeni B naC (Lulwimi Lwasekhaya), uma umhlolwa aphendvule imibuto lemibili kulemifisha nobe imibuto lemibili yetindzabambhalo, maka imphendvulo yekucala kuphela uyekele lelandzelako. Uma ngabe umhlolwa aphendvule yomine imibuto, maka kuphela imphendvulo yembuto wekucala kuleso naleso sigaba, nangabe aphendvule munye umbuto lonemibuto lemifisha namunye umbuto wendzabambhalo. Uma ngabe umhlolwa anika timphendvulo letimbili kantsi wekucala uneliphutsa ibe wesibili awunaliphutsa, maka imphendvulo yekucala kuphela uyekele lelandzelako.
- Uma tinombolo tetimphendvulo tinemaphutsa, maka ulandzele imemorandamu.
- Uma ngabe liphutsa lesipelingi litsikameta inshokutsi, akunganikwa limaki, kantsi nangabe inshokutsi ayitsikameteki, kunganikwa limaki.
- Umbuto wendzabambhalo: Uma ngabe indzabambhalo inemagama langaphasi kwalawo lemisiwe, umhlolwa angajeziswa ngobe vele sewutijezise yena ngekwakhe. Uma ngabe indzabambhalo iyindze kakhulu, umhlolwa akavunyelwe kwengca ngemagama langema-30 ngetulu kwelinani lelimisiwe lemagama bese **incenye lelandzelako yendzabambhalo ayisanakwa**.
- Imibuto lemifisha: uma ngabe umhlolwa angafaki bokhulumile nangabe kufanele acaphune **akangajeziswa**.
- Imibuto lefuna timphendvulo letifuna LICINISO/LIPHUTSA, nobe LIPHUZU/UMBONO, limaki kumele lehlukaniswe emkhatsini, i.e. nika linye limaki, yeLICINISO/LIPHUTSA, nobe LIPHUZU/UMBONO kantsi futsi limaki lesizatfu /kwesekela/kucaphuna kumele linikwe **kuphela** nangabe incenye yemibuto yeLICINISO/LIPHUTSA, nobe LIPHUZU/UMBONO ingenaliphutsa. (kungabonikwa limaki embutweni lofuna kwesekela nobe inchazelo (LICINISO/LIPHUTSA, nobe LIPHUZU/UMBONO) lobewuvele uneliphutsa kwasekucaleni.

SIGABA A: TINKONDLO**TINKONDLO LETIFUNDVWE EKILASINI****UMBUTO 1: NGIVUMELENI NGIHAMBE – SB Khanyile**

Timphendvulo titawehluka kodvwa bahlolwa abalandzele loluhlaka lolulandzelako.

SINGENISO: Bahlolwa balindzelwe kutsi baphawule kutsi inkondlo inemcondvo losobala nemcondvo lojulile. Umcondvo lojulile ubeka yonkhe inkondlo njengobe injalo kungafakwa umcondvo lofihlekile.

UMTIMBA:

Sonkondlo utsi abamvumele aye lapho yena labona kutsi kumfanele kutsi aye khona. Utsi kuloluhambo akadzingi mphako wemuntfu kepha nje abamnike imvume atihambele. Lapha kuloluhambo nasahamba utsi akafuni kuphindze abuke emuva.

Sonkondlo sewuhambe tinkhalo ngetinkhalo. Ucela tonkhe tihlobo takhe kwekutsi tingamkhaleli nasahambile ngobe akafuni kushiya tinsizi. Utsi konkhe kwemhlaba yena sewukucedzile kantsi futsi kunjalo nje akupheli kantsi futsi kuyahlupha.

Utsi umhlaba lo umgugisile. Nasavaleisa sonkondlo utsi konkhe kwemhlaba sewukucedzile kantsi futsi nekwakhe sekuhlangene. Ubafisela inhlanhla labasalako, utsi batawubonana kulelitako. Utsi umhlaba awubuye emhlabatsini nemlotsa emlotseni.

SIPHETFO: Kusongwa loko lobekucocwa ngako emtimbeni wendzabambhalo. Kafishane sonkondlo ufunu imvume yekuhamba aye lapho afuna kuya khona ngaphandle kwemiphako nemagama.

BONA EMARUBHRIKI EKUMAKWA KWENDZATJANAMBHALO YETINKONDLO SICHIBIYELO A.

[10]

NOBE**TIMPHENDVULO TEMIBUTO LEMIFISHA.****UMBUTO 2: NCAMUL' EMAVE – SR Mdluli**

- 2.1 Umvangedvwa (iliriki) nobe tibongelelo/tibongo tesimanje. (1)
- 2.2 Iphethini ayilingani/Ayikahleleki. (1)
- 2.3 Umoya wekudvumisa/Wekubongelela/Wekubalisa/Welutsandvo. (1)
- 2.4 Ukhuluma ngemoti yakhe layitsandza kakhlulu lemfikisa lapho afuna kuya khona. (Imibono itawehluka). (1)
- 2.5 Loku kusho kwekutsi loNcamulemave akehlulwa tintsaba. Nobe ngabe kunemuncwa yena uhamba kalula aye ayoshobela ngale kwato. (2)

- 2.6 Uphumelele ngobe naku ubita imoti yakhe ngekutsi inguNcamulemave, kantsi vele lemoti ihamba onkhe emave njengaseSwatini naseKZN. (2)
- 2.7 Shengatsi sonkondlo utsetse lemoti yakhe layitsandza kakhulu wayiboleka lomunye umuntfu loku kumenta angakutfoli kuphumula sonkondlo ngobe acabanga kwekutsi hleze kube khona lokuyivelelako lemoti. (2) [10]

NOBE**UMBUTO 3: MAHLAHLANDLELA – JJ Thwala**

- 3.1 Imfundvo. (1)
- 3.2 Sihlutfulelo semphilo yemuntfu/Sango lemphilo yemuntfu/Tibuko lemphilo yemuntfu/Mhlahlandlela wemphilo yemuntfu, (1)
- 3.3 Leminye imigca inemagama lamanyenti kunaleminye imigca. (1)
- 3.4 Ngumbiti. (1)
- 3.5 Imfundvo ingumhlahlandlela wemphilo. Ivula emehlo ukwati kufundza ukwati kuba nemsebenti lotakuphilisa, njll (Imibono itawehluka). (2)
- 3.6 Luchumanosicalo (kubhukula)/luchumanosigcino (embutfo – telibutfo)/sicatsanisamcondvo (emajaha – tintfombi) . (Kubili kwaloku lokungenhla). (2)
- 3.7 Bahloemele likusasa
Lelingatiwa ngumuntfu. (2) [10]

NOBE**UMBUTO 4: APH' EMAGUGU – MS Magagula**

- 4.1 Ngiyakhala nangicaban' emagugu
Emagugu phas' etibilini temhlaba. (1)
- 4.2 Ulisebentise kahle kakhulu ngobe timbiwa tingemagugu ngenca yemanani ato lasetulu nekusimamisa kwato umnotfo welive njengedayimani, igolide, emalahle, njll. (1)
- 4.3 Usho tihlakaniphi taseNshonalanga letemba idayimani negolide tahamba tawela tilwandle, timayini tasala tavalwa. (1)
- 4.4 Kumuntfutisa ngetitfo temtimba – tibilini. (1)
- 4.5 Timayini temalahle - Sekwasal' imphaka yemigodzi yemalahle. (2)

- 4.6 Lenkondlo ikhuluma ngekudlelelwa ngulabo labacala timayini. Utsi bemba emagugu etimbiwa bacedza bahamba nato lapho bebadzabuka khona. (2)
- 4.7 Uma libhizinisi letimbiwa lingasahambi kahle kusho kona kuwa kwemnotfo welive ngobe tona tingenisa imali nenyenti. Nakusimama tona kusimama umnotfo. (2)
[10]

NA

TINKONDLO LETINGAKAFUNDVWA EKLASINI

UMBUTO 5: KUTHULILE KULENDZAWO – MS Mhlongo

(Timpwendvulo titawehluka)

SINGENISO: Sonkondlo nakabhala inkondlo wakha titfombe taloko lasitjela ngako engcondvweni yakhe, bese uba nemagama ebunkondlo lasetfulela ngawo letifombe takhe. Angasebentisa tinongo, taga nobe tisho kwetfula lemifanekisomcondvo yakhe.

UMTIMBA: Lapha bahlolwa kufanele bacaphune imifanekisomcondvo lesjetjentiswe ngusonkondlo babuye basho kutsi abebonani futsi ufanise kahle yini naloko lakuchazako. Sib.

kulenzawo **yalabaphumulile:** kufa ukubona kukuphumula engcondvweni yakhe.

Nemoya lobandzako **lodvudvuta labalele:** lokushaya kwemoya ukubona kukudvudvuta labashonile lababita ngekutsi balele.

Bonkhe **basahlabe likhefu** lapha: Kulala emathuneni ukufanisa nekuhlaba likhefu ngobe basetawuvuka nakukhala licilongo.

Bavuk' **ebutfongweni lobukhulu:** Kufa ukubona kufana nebutfongo lobukhulu, njll.

La Lapha bahlolwa kumele baphawule ngaloko labacoce ngako emtimbeni wendzabambhalo. Sib. Sonkondlo imifanekisomcondvo yakhe uyefule ngetinongo, sib. Balele = bashonile; butfongo lobukhulu = kufa, njll. (Timpwendvulo titawehluka kodvwa kutawemukelwa letinemba kuphela).

UMBUTO 6: KUTHULILE KULENDZAWO – MS Mhlongo

- 6.1 Kusemathuneni/emadlizeni/emalibeni/ensimini. (1)
- 6.2 Bumanyamanya bemihlobiso yematje,/Kubetsa nemoya lobandzako Buletsa lusizi emphefumlweni wami./Lodvudvuta labalele kulenzawo (1)
- 6.3 Imvumelwanosicalo. (1)
- 6.4 Kumuntfutisa. (1)

- 6.5 Kuthulile kulendzawo ***lenhle***,
Yinhle lendzawo yalabalele – Luchumano loluvundlile/lolutjekile
La kulele khona'emachawe,
La kumphumule khona kukhanya kwesive – Luchumano lolusekucaleni
lolucondzile./***khona/khona*** – Luchumano lolucondzile lolusemkhatsini (2)
- 6.6 Usho kutsi njengobe bafile nje abakalali kokuphela lapha kodwva
basetawuvuka ngelusuku lwekugcina. Usho kutsi kufana nekutsi bamane
basaphumulile nje. (2)
- 6.7 Lenkondlo ikhulumma ngekufa, lokuyingcikitsi yenkondlo. Inkholo itsi
etinsukwini tekugcina bonkhe bantfu batawuvuka ekufeni (***ebutfongweni***
lobukhulu) balungele kugwetjwa lokukhulu. Ngako-ke lomugca walenkondlo
ubumbene kahle kakhulu nengcikitsi yayo. (2)
[10]

SAMBA SIGABA A: 30

SIGABA B: INOVELI**LIPHUME NEBOVU – BB Malangwane****[10]****UMBUTO 7: INDZABAMBHALO****KUBUMBANA KWESIBEKANDZABA NETIGAMEKO LETENTEKA ENOVELINI.**

Timphendvulo tebahlolwa titawehluka. Loku lokulandzelako kusibonelo nje saletinye tetigameko lekungacocwa ngato.

SINGENISO: Bahlolwa balindzelwe kutsi bachaze sibekandzaba netigameko njengobe kubutiwe.

Sib. Sibekandzaba sifaka ekhatsi simo sendzawo, sesikhatsi, umoya nekuhlalisana kwebalingisi netintfo labatentako emmangweni labahlala kuwo. Tigameko nebaligisi kanye nesibekandzaba kuhle nangabe kubumbene endzabeni.

UMTIMBA: Kulesigaba sendzabambhalo bahlolwa balindzelwe kutsi basho tigameko tenoveli nesibekandzaba sato njengobe tenteka enovelini.

Sib.

✓ **SIBEKANDZABA SENDZAWO**

- Umbhali usibekela sobala kutsi umuti waKhumalo bewakhiwe kulela **laMshwalubunjwinkunzi edvute nemfudlana, uMlambotjwala**
- **Kutalwa kwemntfwana waTintfombi:** Kwenteka **esilumbini** lapho kuphitsitela khona netimilo tebantfu setonakele ngekulandzela simanjemanje lapho indvodza ingasahlonishwa khona ngobe sekuyalinganwa ngenca yemalungelo.
- **Kusebenta kwaLushawulo eMankayane:** Washiselwa indlu lebeyilondo yakhiwe sintfu
- **Kukipita kwaLushawulo:** Wakipitela eJozi lapho linyenti letintfo leteka khona ngenca yesiminyeminye sebantfu lasebalahle emasiko nenhloni pho yesintfu. Umbhali akamenti wakipita emakhaya. Loku kukhomba kona kubumbana kwendzawo netigameko tenoveli.

(Bahlolwa balindzelwe kutsi bacoce ngetigameko letintsatfu kuphela kulencenyenye yesibekandzaba).

✓ **SIBEKANDZABA SEKUHLALISANA KWEBALINGISI:**

- **Inhlalo yesitsembu** sesimanje lapho singanakekelwa khona, njengaLushawulo atsandza Tintfombi kwengca LaMagagula, abuye amshiye aye esilumbini ayohlala naTintfombi.
- **Kutekwa kwaLaMagagula** lobekaphuma emtini wasemakhaya lapho kuphilwa sintfu khona. Umbhali uveta imphilo yenhlalo yasemakhaya lapho tintfombi (bodzadzewabo LaMagagula) bakha ligusha emasimini, bamhleba kutsi uyokwendzela kandlunganye.
- **Imphilo yasemtini waLushawulo** beyigcwele kucabana, kuloyiswana, kuyisana emkhayeni, njll. Loku kubumbene nesimo sasesitsenjini nemphilo yesintfu netinkholelo taso.
- **Kushiselwa kwaLushawulo indlwana labehlala kuyo eMankayane:** Tintfombi betishayisana ngetinhloko njengenjwayelo, sikhwele kubomake sihamba embili.

(Bahlolwa balindzelwe kutsi bacoce ngetigameko letintsatfu kulencenyе yesibekandzaba).

SIBEKANDZABA SESIKHATSI:

- LaHlophe **abengafuni kutsi emantfombatane akhe aye esikolweni** ngobe atsi kwawo ngemabhodo nje kuphela. Loko kukhombisa kutsi loku kwenteka ngembikwentsandvo yelinyenti (1994) lapho wonkhe umuntfu sekanelilungelo lekufundza.
- **Kunyamalala kwaLushawulo** nakatawuze aye eJozи kwaba tinyanga letintsatfu angabhaleli ekhaya. Umbhali uveta kutsi bebabangelwa yini bonina nemkakhe kutsi babe netinhlitiyo letibuhlungu ngekunyamalala kwakhe.
- Tigameko letinyenti tenteka esikhatsini lapho **imphucuko yaseNshonalanga** seyingenile, lapho sekunemabhasi, tikolo lapho bekufundza khona boLushawulo naSibolile, titimela, timoti, njll. Kusetjentwa eJozи, kuhanjwa ngetitimela, bantfwana baLushawulo bahlangabeta uyise ebasini.

(Bahlolwa balindzelwe kutsi bacoce ngetigameko letintsatfu kulencenyе yesibekandzaba).

SIPHETFO: Lapha kulencenyе yendzabambhalо bahlolwa balindzelwe kutsi baphawule ngekutsi lesibekandzaba sibumbene nobe asikabumbani banike netibonelo lapho babona kutsi asikabumbani khona.

Sib. Sento saLushawulo sekubandlulula LaMagagula kuze kufike lapho angasayi nasemngcwabenі wemntfwanakhe, kuveta kungabumbani kahle ngobe Lushawulo uvetwe anguyise walomntfwana kodvwa ngenca yekwecwaya unina sewukhohlwe nekutsi wakhe lomntfwana. Ngaloko lesigameko asibumbani kahle ngaphasi kwesibekandzaba semasikonhlalo.

(Timphendvulo titawehluka kodvwa kutawutsatwa leto letinembako kuphela).

BONA EMARUBHRIKI EKUMAKWA KWENDZABAMBHALO SICHIBIYELO B.

[25]

NOBE

UMBUTO 8: IMIBUTO LEMIFISHA

- 8.1 Imingcwabo yalamuhla ise bentisa emakhasikhethi nobe emabhokisi latsengwako kantsi lona losetheksthini bayatakhela libhokisi. Imingcwabo yesikhaya izotsile kunalena yasemadolobheni. (Imibono itawehluka) (2)
- 8.2 Babe webantfwana ngeke atsi ashonelwe ngumntfwanakhe ente lentfo lekutsiwa yentiwa nguLushawulo.
Emapulango elibhokisi ngeke anikwe bantfwana kutsi bawatfwale ngenhloko kufiwe. (Timphendvulo titawehluka) (2)
- 8.3 Ekwendzeni kulukhuni ngobe LaMagagula nobe angakaphatseki kahle lapha emtini wakhe kodvwa akahambi ubambelele. (naleminye imibono yemukelekile) (2)
- 8.4 Banebuntfu impela ngobe nobe LaMagagula angakutfoli kwesekelwa nguLushawulo bona bayambambisa bayamsita ekubekeni umntfwanakhe. (2)

- 8.5 Sitsembu lesiphatfwa kahle nguleso lesentelwa tintfo letifanako kungekho lubandlululo. Lushawulo abekhombisa lutsandvo kuTintfombi kuphela kodvwa LaMagagula alweswela./Lushawulo welekelelaTintfombi kwakha kantsi LaMagagula watakhela/Washiya LaMagagula emaklhaya wayohlala naTintfombi edolobheni. (Timphendvulo titawehluka) (2)
- 8.6 **Tento takhe:** Uvetwe njengemunfu Ionesihawu ngobe bekatsi Lushawulo nakacosha unina naTintfombi abahawukele, angenise timphahla teninatala endlini/Kukhokha indvodza yakhe ejele nobe beyimhlupha nakangaka.
- Kukhuluma kwakhe:** Indlela LaMagagula lakhuluma ngayo ikhomba kutsi uyahlonipha – nakakhuluma namaketala wakhe/Nakakhuluma naLushawulo indvodza yakhe nobe beyingamphatsi kahle nje/Nakakhuluma nazakwabo bekangakhombisi magcubu nobe yena abengamtsandzi, njll (Timphendvulo titawehluka kodvwa kutawemukelwa leto letinembako kuphela). (2)
- 8.7 Kweswelakala kwemsebenti kwamenta kutsi azame langakwenta njenekutsengisa wona emabhanana kute atfole imali yekondla bantfwabakhe. (2)
- 8.8 Simonhlalo sesikhatsi sisho sikhatsi lekwenteka ngaso indzaba sib. Samanje nobe sakudzala, sasebusika, sasehlobo, njll.
Lesikhatsi salendzaba sanyalo ngobe bantfu sebanetimoti, kunemabhasi, njll (Timphendvulo titawehluka) (2)
- 8.9 Lushawulo abetsandza LaMaseko kwengca LaMagagula kantsi futsi kwaba nemoyana wekutsi bantfwana baTintfombi bafa khona lapha ekhaya. (2)
- 8.10 Imibono itawehluka (Bakhona, emindenini lesemmangweni lesihlala kuyo bakhona bobabe labahamba bayosebenta bashiye emakhaya njengobe enta Lushawulo. Tehlukaniso tiyenteka emimangweni lesiphila kuyo njengobe Lushawulo agcina ehlukene naTintfombi. Labanye batawutsi abekho bese bayesekela bacondzise etentweni taLushawulo). (2)
- 8.11 Imibono itawehluka kulombuto.
Labanye batakwesekela loko kodvwa labanye batakucitsa.
Sib. Labanye kulabantu bemngcwabo baphuma khashane kuyabasita kutsi kuphekwe kute batewutfolo kudla, nanobe tijolojolo tingadzingeki ngobe kufaka umndeni loshonelwe etindlelkweni. Liphalishi nemshibo nje kwenele.
Labanye batawutsi asibuyeleni emandvulo lapho bantfu labeta ekufeni bekuba ngabo labaletsela umndeni losemantini tetfwalo letifana nekudla. (2)
- 8.12 Lesihloko sisuselwe esageni lesitsi, 'Alikho litfumba lelingabhboki,' lokusho kutsi ayikho imfihlo lengaveli ebeleni. Nekutsi bantfwana baLushawulo bebadliwa yini bekuyimphicabadzala, lebekulitfumba lekumele libhotjotwe. Emkhayeni balibhobota lelitfumba laze laphuma nebovu, lokusho kutsi loko lebebafuna kukwati kwagcina kuphumele ebeleni nemnyombo wako. (3)

[25]

NOBE

KUBAMBA LETINGELAKO – DE Nkosi**UMBUTO 9: INDZABAMBHALO****KUBUMBANA KWESIBEKANDZABA NETIGAMEKO LETENTEKA ENOVELINI.**

Timphendvulo titawehluka.

SINGENISO:

Bahlolwa bachaza sihloko babuye baphawule kafisha ngaloko lokutawucocwa ngako emtimbeni wendzabambhalo. Sib.

Sibekandzaba siphatselene nendzawo, sikhatsi, umoya lekwenteka ngako indzaba lesenovelini.

Lokunye labangabuye bakubale ngalokufisha tigameko labatawukhuluma ngato.

UMTIMBA WENDZABAMBHALO:

(Bahlolwa abacoce ngaloko labakuphawule kafisha esingenisweni ngenhla).

Bahlolwa bacoca ngetigameko letiletsa kubumbana kwesibekandzaba ngekwetigaba taso, sib.

- ❖ **Simo sekuhalisana:** Balindzeleke kutsi bachaze indlela lebekuhlaisenwe ngayo eMbalenhle,
 - Sigameko sekutsi Mphikeleli ahambe afuna indzawo yekuhlala ngoba afuna kufundza emva kwekubuya ekudzingisweni. Lapha sibuka indlela laphatseka ngayo ngekuncishwa indzawo yekuhlala ikakhulukati kaTsabetse.
 - Sigameko sekufuna kucoshwa esikolweni kwaMphikeleli nguSikhulu iesenita kutsi sibone kutsi Tsabetse akamfuni Mphikeleli ngobe atsi uluphekulatikhuni.
 - Sigameko sekutsi boMatsiya, Mncina longuthishelanhloko, balwele emalungelo aMphikeleli lokukhomba kuvana nekucabangelana. Naletinye tigameko letingakabalwa lapha letikhomba kubumbana.
- ❖ **Simo sesikhatsi:** Bafundzi balindzeleke kutsi baphawule ngetigameko letenta lendzaba ibonakale kutsi yenteka esikhatsini sanyalo tibuye tibumbane nesibekandzaba.
 - Sigameko sekubukwa kwesilabhasi lebeyifundwva eKhayaletfu lenemiphumela yekufundza nemakhono ayo, inemiphumelamcoka nemiphumela letfutfukisako njll. Ikubeka ebaleni kutsi sikhatsi sanyalo kulemfundvo yemakhono nekucecesha.
 - Sigameko sekuntjintja emagama emigwaco, emifula njll, nako lokuchaza kutsi nguletikhatsi lesiphila kuto namuhla lapho kuze kuntjintjwa nemagama emadolobha lamakhulu.
 - Sigameko sekwtfulwa kwemibiko yetigodzi, kutfutfukiswa kwetidzingonchanti temmango (njengetikolo, imfundvo yasebusuku), kukhankhasela lukhetfo, kukhetfwa kwaMphikeleli kuba ngusosifundzave njll, kwenta kutsi kubonakale kutsi lendzaba yenteka esikhatsini sanyalo. Naletinye tigameko letingakabalwa lapha ngenhla.
- ❖ **Simo sendzawo:** Bafundzi balindzeleke kutsi bavete tigameko letesekela lendzawo lendzaba leyenteka kuyo.

- Lenzaba yenteka esikolweni saseKhayaletfu lesisikolo sasemalokishini lapho kunemtimba lomela batali ubuye utsatse netincumo njengaTsabetse longusihlalo we-SGB. Ngiko lokwenta afune kucosha Mphikeleli ngobe aphumelelisa timfuno takhe.
- Lenzaba yenteka eMbalenhle lokulilokishi laseSekhunda. Loku ngiko lokwenta bakhone kukhankhasela tikhundla tekuphatsa ummango ngobe emalokishi aphetfwe boMasipala, lababuswa ngentsandvo yelinyenti.
- Lenzawo inemifula. Ngiko lokwenta sigameko sekuntjintja emagama emifula sibe lula lokubuye kwenta kutsi kubumbane nesibekandzaba. Naletinye tigameko letihambisana naloku letingakabalwa lapha ngenhla.

Letigameko letibalwe ngenhla kumele tikhombe kubumbana nesibekandzaba.

SIPHETFO: Bahlolwa balindzelwe kutsi basonge konkhe loku lebebacoca ngako esingenisweni nasemtimbeni wendzabambhalo yabo.

BONA EMARUBHRIKI EKUMAKWA KWENDZABAMBHALO SICHIBIYELO B.

[25]

NOBE

UMBUTO 10: TIMPHENDVULO TEMIBUTO LEMIFISHA.

- 10.1 Umuntfu longumsinsi wekumbelwa kushiwo umuntfu longumchamuki/ umuntfu wekfika endzaweni langakatalelwa kuyo. (1)
- 10.2 Ucondze kutsi Mphikeleli akehlukane nalokusolo aphikisana nemibono yakhe, ngaloko akabayekile bente labakuncumile. (1)
- 10.3 Leteksthi iyincenyekubhebhetsuka kweludvweshu ngobe solo iphambana netifiso taMphikeleli. Yena ufunu kusebentela ummango, Sikhulu yena akafuni kuvumelana naMphikeleli. (2)
- 10.4 Kuhlupha kwaMphikeleli kungatsatfwa njengembono ngobe nguTsabetse kuphela labebona kutsi Mphikeleli uyahlupha kantsi abesebentela ummango. Labahambisana naTsabetse batakutsatsa njengemaciniso ngobe Mphikeleli abefuna kulandzelwe intsandvo yelinyenti kantsi Tsabetse yena abefuna kulandzelwe imibono yakhe yedvwa. (2)
- 10.5 Lomshikashika lobukene naMphikeleli esikhatsini salomuhla siphetfo sakhe bekungaba kukhushulelwa esikhundleni lesisetulu nobe abe kudla kwemangce njengobe kwenteka emimangweni lesihlala kuyo. Tinyenti tishikashiki tetembangave lesetibulwewe letingahambisani netikhulu letifana naTsabete. (2)
- 10.6 Ngekwemtsetfosisekelo umuntfu unelilungelo lekuveta luvo lwakhe ngekukhuluma nobe yini layifunako ingce nje nangenawungelela kumalungelo alabanye. Sikhulu Tsabetse uhlukumeta Mphikeleli ngekufuna kumvalela ematfuba ekusebenta nemmango ngendlela lafuna ngayo. Utsi bancono bona basebenta babe bahola. (2)

- 10.7 Mphikeleli usita ummango ngetidzingonchanti letifana netikolo, imfundvo yasebusuku, kugcugcutela baholi betigodzi nekulandzelela kutsi bentani, nalokunye lokunyenti kantsi lusha lwalomuhla linyenti lwalo ludla tidzakamiva, lubosidlani, luyadlwengula. (2)
- 10.8 Lesaga siyahambisana nalenkhulomo yaTsabetse. Babe waMphikeleli watsatfwa ngemaphoyisa ngesikhatsi sembalandlati, kantsi nesitifiketi sakhe sekufa siyasho kutsi vele wafela etandleni temaphoyisa. Loku kuyahambisana nekutsi Mphikeleli bekasekudzingisweni, umehluko kutsi Mphikeleli ubuye aphiла. Bobabili bebalwela inkhululeko/angahle bekasho imphilo yesintfu yekwelashwa kwsintfu. (2)
- 10.9 Ingcikitsi yalenovel iymfundvo. Letheksthi ikhuluma ngekusebenta kwaMphikeleli asebentela ummango. Loku kubumbene nalengcikitsi yalomdlalo ngoba vele Mphikeleli esikolweni bekafundzela kuphatsa kubohulumende, ngiko- nje agcine akhetfwe njengasosifundzave eMbalenhle. (2)
- 10.10 Litiko Letekuvikela Nekuphepha/Litiko Letebulungiswa Nekutfutfukiswa Kwemtsetfosisekelo/Litiko Letenhlalakahle/Litiko Letemfundvo, njll. ngobe ngiwo labukelele kungahlukunyetwa kwemalungelo eluntfu. (2)
- 10.11 Tsabetse abetsatsa Mphikeleli njengemuntfu langamfuni emphilweni yakhe, kodwa ekugcineni ubonakala sambitela ekhaya lakhe ayocolisa ngako konkhe lamone ngako, wabuye wamembulela ngemfihlo yekufa kwebatali bakhe. (2)
- 10.12 Sicongo salenovel kulapho kuvotwa khona ngobe kulapho wonkhe umuntfu labehlalele etulu ngemiphumela letawukhetfwa itawetfulwa khona. (2)
- 10.13 Lesisho sichaza kutsi nawubeketela ugcina uphumelele. Mphikeleli ubeketele kusukela ekucaleni kwalenovel kuye ekugcineni kwayo. Tsabetse abemcosha esikolweni, wehluleka, wetama kumentela phasi nasetindzabeni tekusita ummango, wehluleka, wagcina ngekufaka bantfu umoya lomubi kutsi bangavumi kuphatfwa liphekulasikhuni, nalapho wagcina ehlulekile, Mphikeleli wakhetfwa waba ngusosifundzave ngekubeketela. (3)
[25]

SAMBA SIGABA B: **25**

SIGABA C: UMDLALO.**KWAHLWA EMINI – JJ Thwala****UMBUTO 11:**

Timphendvulo titawehluka kuye ngaloko labahlangabetene nako etimphilweni tabo. Bahlolwa batawulandzela loluhlaka lolulandzelako:

SINGENISO:

Kuchaza kafisha ngesihloko. Sib.

Bahlolwa batawuphawula kafisha ngesihloko:

Sib. Indlela Makhosi bekaphila ngayo naletinye tetintfo lahlangabetene nato emphilweni yakhe, lekutawukhulunya ngato kulenzabambhalo.

UMTIMBA WENDZABAMBHALO: EMAPHUZU NGALOKWEHLELE MAKHOSI LOKUFANA NALOKUBEHLELE ETIMPHILWENI TABO.

(Lokwehlela Makhosi labangakhuluma babhekise kuko):

- ❖ Kutalwa kwaMakhosi esitsenjini.
- ❖ Kuba yedvwa kabu/ kuLotililo.
- ❖ Kucabana kwaMakhosi naNkhanise babange bukhosi.
- ❖ Kwala kusebentisa umutsi/ kwelashwa yinyanga yesive.
- ❖ Kuba semilonyeni yebantu kwaMakhosi.
- ❖ Kuboshelwa kwaMakhosi luzungu Iwekumbulala licembu lemfelandzawonye (nalokunye lokungakabalwa lapha).

SIPHETFO: Bahlolwa balindzelwe kutsi basonge konkhe loku labebacoca ngako esingenisweni nasemtimbeni wendzabambhalo yabo.

- ❖ Bahlolwa abaphawule ngekuhambelana kwaloko lokwenteka emmangweni naloko lokwetfulwe ngumbhali ngaMakhosi. Loko kuveta kukholweka kwetigameko nekuphila kwalomlingisi kute tetsamelilwati titfole umlayeto lobuya kumbhali.
- ❖ Bahlolwa bangakhuluma ngesifundvo labasitfola kuloko lokwentiwa nguMakhosi emdlalweni.
- ❖ Bahlolwa baphawule ngekuphumelela nobe kwehluleka kwembhali kubhala ngetintfo letenteka emmangweni.

BONA EMARUBHRIKI EKUMAKWA KWENDZABAMBHALO SICHIBIYELO B.

[25]

NOBE

UMBUTO 12: TIMPHENDVULO TEMIBUTO LEMIFISHA

- 12.1 12.1.1 Ichaza kutsi yena akakholelwa etintfweni letiphatselene nemadloti nobe tinyanga futsi akakwetsembi lokushiwo tinyanga. (2)
- 12.1.2 Secwayiso saLaHlatjwako siyahambisana nesibekandzaba salomdlalo ngobe lomdlalo wenteka endzaweni lapho kuphilwa sintfu futsi kuphetse emakhosi lekumele elashwe ngembikwekutsi abekwe esihlalweni. (2)
- 12.1.3 Lilima ngulapho kuhlangana khona bantfu bemmango basita lusendvo lolutsite ngemsebenti wetandla. Lapho kutekwa tindzaba tesive letisematseni njengato leti tekubekwa kwenkhosi yaseLusizini. Ngiko nje lengoma ikhulumma ngekubekwa kwaMakhosi. (2)
- 12.1.4 Kutjela unina kutsi yena ngeke akholelwe kulokushiwo tinyanga nakutsiwa ayociniswa Mkhosi abekhomba kona kutsi uyatetsema akafuni kwetsembela etinyangeni. Nalokutsi yena kukhulunyuwa ngaye nje ngobe abalulekile emmangweni kukhomba kona kutetsema. Konkhe loku kwavela ngekutsi agcine ayinkhos. (2)
- 12.1.5 Lesecwayiso asizange sikukhombise kubaluleka ngobe Makhosi akazange avelelwe ngulutfo nobe abengayanga enyangeni. Endzaweni yekutsi kube nguye lovelelwa ngulokubi kwaba nengwijikhwebu lokubi kwavelela Nkhanise lokunguyena wasebentisa imitsi kulombango. (2)
- 12.1.6 Vele emmangweni bantfu labagcamile nalabasetikhundleni babonakala kalula emehlwani ebantfu, ngaloko-ke bahlala basematseni esive. (2)
- 12.1.7 Inkinga lekubukenwe nayo kulomdlalo ngumbango. Umbhali uwetfule ngekutsi Mkhalelwa akhetse Makhosi lekungatiwa kahle esiveni kutsi uyindalifa yaseLusizini kutsi abangisane naNkhanise lobekubukwe kutsi nguye indlalifa letawutsatsa bukhosi – ngaloko lenkinga ihamba ize iyofika ekugcineni kwemdlalo. (2)
- 12.2 12.2.1 Lesaga sisho kutsi umuntfu uyakuhlekisa kodwva abe angakutsandzi. Kuletheksthilengenhla kwenteka loko lokushiwo ngulesaga ngobe Sicongo ulibutfo laNkhanise lelilwa naMakhosi kodwva kuletheksthilengenhla wenta ngatsi uyamtsandza Makhosi kantsi uyamphukuta. (2)
- 12.2.2 Imibono itawehluka kulombuto, sib. Labanye batawutsi bekutawuba nemcimbi wekubekwa kwaMakhosi ngobe vele bekulungiselelwe wona nekungcwatjwa kwaboNkhanise bekusafuneka kucwaningwe indlela lababulewe ngayo. Labanye batawutsi bekutawungcwatjwa Nkhanise, Ndleleni, naSicongo ngobe bebangeke babekwe sikhatsi lesidze ngobe bekungasiso sikhatsi sekubeka tidvumbu emakhateni, kantsi futsi ngesintfu kufa kuyahlonishwa. (2)

- 12.2.3 Imibono itawehluka, sib. Labanye batawutsi yadliwa ngobe bekungumgcwabo webantfwana benkhosi ngobe kuyahlatjwa kute kutfolakale tikhumba tekubabeka. Labanye batawutsi yadliwa ngobe kwabekwa Makhosi njengobe angazange afe. Labanye batawutsi ayizange idliwe ngobe bekuziliwe ngalokufa kwebantfwana benkhosi. (Timphendvulo letinembako temukelekile). (2)
- 12.2.4 Lamavi aSicongo amveta njengemuntfu loyimpimpi ngobe yena bekasecenjini LaNkhanise kodvwa kubonakala kutsi utewusenga tindzaba lapha kuMakhosi, uyishaya emuva ayishaye embili. (2)
- 12.2.5 Lombono ucinisile ngobe Mkhalelwa bekanesitsembu. Impilo yesitsembu ivetwa tento taboLaHlatjwako naLaJele ngekufaka umncele emkhatsini webantfwababo boMakhosi naNkhanise ngekubagcugcutela ngasese kutsi batsatse bukhosi. (Imibono itawehluka kodvwa lenembako yemukelekile). (3)
[25]

NOBE

UMVUZO – NS Nzima

UMBUTO 13: INDZABAMBHALO

Bangani labafana naSatile lesihlangana nabo emimangweni lesiphila kuyo.

(Timphendvulo titawehluka.)

Bahlolwa batawulandzela loluhlaka lolulandzelako:

SINGENISO:

Kuchaza kafisha ngesihloko. Sib.

Kuba nebangani kuyintfo lengagwemeki emphilweni,

kakhulukati elusheni lolufana naboSatile, Batjele, Maphahla, Sakhephi, naMlandzeli.

Buhle bebangani bungabalwa: Kusitana etifundvweni/kuvakashelana/kubumbana kweminden yebangani/kwelulekana,/lutsandvo lwebangane, njll.

Nakulomdlalo Batjele nebangani bakhe bebaphila yona imphilo letayelekile yebungani.
(Bahlolwa ababale loko labakwentako nebangani babo emimangweni yangakubo)

UMTIMBA WENDZABAMBHALO:

Emaphuzu Ngemphilo yaSatile lefana netimphilo tebangani babo labaphila nabo.

(Bahlolwa abacoce ngaloko labakuphawule kafisha esingenisweni ngenhla).

Bahlolwa bacoca ngemaphuzu laphatselene netimphilo tabo nebangani babo ngekubhekisa emphilweni yaSatile.

- ❖ Kutsandzana kwebangani njengobe bekwenta boBatjele nebangani bakhe.
(Bahlolwa abasho kutsi kuyenteka yini loko emimangweni yangakubo)
- ❖ Kusitana etifundvweni njengobe bekwenta bangani baBatjele/kufundza ngemacembu Kugodlw kaqwati lokwetiwa ngulabanye bangani njengobe bebangakwenti boBatjele nebangani bakhe. (nangabe kukhona)

- ❖ Kuvakashelana njengobe boBatjele naSatile bebenta kulumdlalo.
- ❖ Kwelulekana kwebangani njengobe kwentiwa kuSatile ngalesikhatsi sekalihlongandlebe (Labanye bayalalela/Labanye bafana naSatile baze bafele emashiceni/labanye behlukanisa bangani/labanye bayahhungeka njll).
- ❖ Kungenelela kwebatali njengobe bomake balamantfombatana enta, njll

SIPHETFO:

Bahlolwa balindzelwe kutsi basonge konkhe loku bebacoca ngako esingenisweni nasemtimbeni wendzabambhalo yabo.

- ❖ Bahlolwa abaphawule ngekuhambelana kwaloko lokwenteka emmangweni naloko lokwetfulwe ngumbhali ngebalingisi bakhe. Loko kuveta kukholweka kwetigameko nekuphila kwebalingisi kute tetsamelilwati titfole umlayeto lobuya kumbhali. (Emphilweni kuhle kuba nebangan ienitawuphilisana kahle nabo kute niphephe kulokunyenti)
- ❖ Bahlolwa bangakhuluma ngesifundvo lesisitfola ngekuba nebangan labakahle etimphilweni tetfu. (Lihlongandlebe lifela ebubini njengaSatile lowagcina esibhedlela ngekungatsatsi teluleko tebangani).
- ❖ Bahlolwa baphawule ngekuphumelela nobe kwehluleka kwembhali kubhala ngetintfo letenteka emmangweni.

BONA EMARUBHRIKI EKUMAKWA KWENDZABAMBHALO SICHIBIYELO B.

[25]

NOBE**UMBUTO 14: TIMPHENDVULO TEMIBUTO LEMIFISHA**

- | | | |
|------|--------|--|
| 14.1 | 14.1.1 | Lengoco ivula bafundzi belibanga lelishumi nakubili kutsi babe netinjongo tetifundvo tabo nabacedza libanga lelishumi nakubili./Labanye bafundzi banebumatima kukhetsa imisebenti labangayifundzela emva kwelibanga lelishumi nakubili. (Imibono lenembako yemukelekile). (2) |
| | 14.1.2 | Ingcikitsi yalomdlalo yimfundvo. Badlali bawo babumbene kakhulu nalengcikitsi ngobe konkhe lapho bahlangene khona bakhuluma ngemfundvo, ngisho nalesicashunwa lesingenhla sikhuluma ngemikhakha lehlukene lengalandzelwa ekutfutfukiseni imfundvo. (2) |
| | 14.1.3 | Emimangweni lesihlala kuyo kunekushayisana lokukhulu ngenca yekungavisisi emalungelo ebantu. Bantfwana balahlekelwa timilo ngenca yekungavisisi emalungelo abo, kantsi nebantu labadzala nabo batfolakala sebahlukumeta bantfwana ngenca yekungavisisi emalungelo abo. (Timphendvulo letinembako temukelekile). (2) |
| | 14.1.4 | Batjele utsatfwa njengemdali longubangiswako njengoba avetwe waba lilunga lemhandlu lowengamele sikolo. Esikhatsini lesinyenti umuntfu losesikhundleni lesisetulu kuba nguye lohamba embili futsi lobukene netihibe letinyenti emmangweni. Esikhatsini lesinyenti Batjele baphikisana naye njengemntfu lowelulekako nalohola tingcoco. (2) |

- 14.1.5 Inhoso yembhali walomdlalo ngiko ngempela kufaka wonkhe umuntfu lolilunga lemmango. Ucondze kufundzisa bafundzi kutsi wonkhe umuntfu lolilunga lemmango ubalulekile etimphilweni tefu. Ngiko nje bantu bemikhakha lehlukahlukene babitelwa esikolweni saseMkhuphukantsaba kutewuchazela bafundzi ngekubaluleka kwayo. (2)
- 14.1.6 Emimangweni lesiphila kuyo lamuhla bakhona bafundzi labatfolakala banatsa futsi babhema tidzakamiva njengaboSatile naMlandzeli futsi bangatsatsi teluleko tebafundzisi, batali, bangani nemalunga emmango. (2)
- 14.1.7 Lesaga sihambisana kahle kakhulu naloku lokucocwa kulesicashunwa lapho boBatjele naSatile batikhetsela khona imikhakha yemfundvo labafuna kuyilandzela nabacedza tifundvo telibanga lelishumi nambili. (2)
- 14.2 14.2.1 Umbhali walomdlalo uphumelele kusebentisa ludvweshu Iwangaphandle njengobe sibona boSatile naBatjele baphikisana ngesimilo saSatile. Satile udvonsisana naBatjele kutsi akafuni kwehlukana nesimilo lesibi sekungasebenti kahle emsebentini wesikolo. (2)
- 14.2.2 Inkhani yaSatile yamfaka elubishini ngobe siphetfo sakhe kwaba kungasachubeki nesikolo kantsi waphetsa ngekungenwa tifo wangena nasesibhedlela, bangani bakhe boBatjele babe batfola umvuzo wemiphumela lemhle yakamatikuletjeni. (2)
- 14.2.3 Lomdlalo ugcwele kakhulu inkhulumiswano, lokwentiwako/ kunyakata kumbalwa kakhulu emdlalweni wonkhe. (2)
- 14.2.4 Luvutfondzaba kulomdlalo lutfolakala lapho sekubhalwe iuhlolol Iwakamatekuletjeni, sekulindzelwe imiphumela yeluhlolo Iwekuphela kwemnyaka. (2)
- 14.2.5 Lesigameko sebuhlongandlebe baSakhile besendlalela siphetfo sakhe sekuphelela esibhedlela kute tetsamelilwati talomdlalo tifundze kutsi kungalaleli kugcinisana enkingeni, salakutjelwa sibona ngemopho. (3)
[25]

SAMBA SIGABA C: 25
SAMBA SAKOKONKHE: 80

TICHIBIYELO**SICHIBIYELO A****EMARUBHRIKI EKUMAKA TINKONDLO**

EMARUBRIKI EKUMAKA INDZABAMBHALO YETINKONDLO LULWIMI LWASEKHAYA 10 EMAMAKI	LULWIMI <i>Sakhwiwo, kutselana emanti kwemibono kanye nesertulo. Lulwimi, umoya. Nesitayela lesitjetintsiwe endzabenimbhalo</i>	Emalengiso	Licophelo lelistulu	Lokuncomekako	Lokwenetisako	Lokulingene	Lokuyincenye	Lokungenamphumelelo
LOKUCUKETFWE <i>Kuvisisa sihloko. Kujula kwemibono, kwesekela nekuvisisa inkondlo</i>		7 80–100%	6 70–79%	5 60–69%	4 50–59%	3 40–49%	2 30–39%	1 0–29%
Emalengiso - Uvisisa sihloko ngalokujulile, kwehlwaywe tonkhe tinhlangotsi. - Timphendvulo letingemalengiso: 90%+. Timphendvulo letisecophelweni lelistulu: 80 – 89%. - Tinhlobo letehlkile temibono lebanti lehehako tesekelwe ngemalengiso ngekucaphuna enkondlweni. - Uvisisa luhlobo lwembhalo kanye nenkondlo ngemalengiso.	7 80–100%	8–10	7–7½	7–8				

Licophelo leisetulu - Uvisisa sihloko ngelicophelo leisetulu, kwehlwaye tonkhe tinhlangotsi ngalokwenetisako. - Timphendvulo letineminingwane lephelele. - Kunikwe tinhlobo letehlukene temibono levakalako, yesekelwe kahle ngekucaphuna enkondlweni. Uvisisa luhlobo lwembhalo nenkondlo ngelicophelo leisetulu.	6 70–79%	7½–8½	7–8	6½–7½	6–7				
Lokuncomekako - Ukhombisa kuvisisa abuye ahumushe sihloko ngalokuncomekako. - Impendvulo inemininingwane lencomekako. - Unikete imibono levakalako, kepha ayikesekelwa yonkhe ngendlela lelindzelekile. - Kunebufakazi bekuvisisa luhlobo lwembhalo nenkondlo ngalokuncomekako		5 60–69%	7–8	6½–7½	6–7	5½–6½	5–6		
Lokwenetisako - Uhumushe sihloko ngalokwenetisako. lamanye emaphuzu awakahiolisiswa - Kunemaphuzu latsite lamahle lasekele sihloko. Leminye imibono yesekelwe kepha bufakazi kulesinye sikhatsi abenetisi. - Kunekuvisisa luhlobo lwembhalo nenkondlo ngalokwenetisako.		4 50–59%		6–7	5½–6½	5–6	4½–5½	4–5	

Lokulingene - Umtamo lolingene wekuphendvula umbuto. - Imphendvulo ikhombisa lwati loluncane ngesihloko. - Imibono ayenelisi kunekekela lokuncane lokuchamuka enkondlweni. Umfundzi usengakaluvisisi iuhlolo lwembhalo nobe inkondlo.	3 40–49%			5–6	4½–5½	4–5	3½–4½	3–4
Lokuyincenyé - Akavisisi sihloko. - Impfendvulo inekuphindzaphindza kulesinye sikhatsi iphumile esihlokweni. - Imibona ayikajuli, emaphutsa ekihumusha/ Imibona ayikasekelwa ngalokusenkonlweni. - Umfundzi akanalwati iwlulhlobo lwembhalo nobe inkondlo.	2 30–39%				4–5	3½–4½	3–4	1–3½
Lokungenamphumelelo - Impfendvulo iinekuhamisana lokutsite nesihloko kepha kulikhuni kuyilandzela nobe esikhatsini lesinyenti iyanhlahlatsa. - Wehlulekile kuphendvula sihloko. - Umfundzi akanalwati iwlulhlobo lwembhalo nobe inkondlo.	1 0–29%					3–4	1–3½	0–3

SICHIBIYELO B**EMARUBHRIKI EKUMAKA INDZABAMBHALO YENOVELI NEMDLALO
I-Rubhrikhi yekuhlola I eseyi yeTemibhalo-[25 emamaki]**

EMAZINGA EMAMAKI LAKLONYELISWAKO		LOKUCUKETFWE [15] KUCHAZWA KWESIHLOKO, KUJULA KWEMIBONO, KUSEKELA NEKUVISISA UMSEBENTI LOMELE WENTIWE.	EMAMAKI LAKLONYELISWAKO NALOKUPHAWULWAKO	SAKHIWO NELULWIMI [10] KUHLELEKA KWEMISEBENTI NEKUSENTJETISWA KWELLULWIMI. LUHLAKA, SAKHIWO KULANDZELANA NEKWETFULWA KWEMIBONO -KUSENTJETISWA KWELLULWIMI ITHONI NESITAYELA LESIFANELE.
Lizinga 7 80%–100%	Emalengiso 12–15 Emamaki	<ul style="list-style-type: none"> - Sihloko usivisia ngalokujulile - Tonkhe tinhlangotsi tesihloko tidzingidvwe ngalokuphelele - Imphindvulo ingemalengiso(90%-100%) - Kunemibono lenembako levakalako lesekkelwe ngekucaphuna encwadzini lefundvwako. - Luhlobo lwembhalo nencwadzi lefundvwako ukuvisisa kahle. 	Emalengiso 08–10 Emamaki	<ul style="list-style-type: none"> - Sakhwo sihleleke kahle, tindzima tikhomba budlewano bemicondvo lobuhlanganiswe ngebuciko. - Singeniso nesipheto kubhaleke kahle kakhulu. - Imibono lebalulekile ihlelwe kahle kakhulu yasekelwa ngalokuvakalako. - Lulwimi, ithoni nesitayela kukhomba kucabanga lokutfutfukile, lokuncomekako nalokwemukelekako.
Lizinga 6 70%–79%	Licophelo Lelisetulu 10½–11½ Emamaki	<ul style="list-style-type: none"> - Sihloko sichazwe ngendlela lekhomba kuvisisa umsebenti. Tonkhe tinhlangotsi tesihloko tidzingidvwe ngalokwanele. - Imphindvulo inemininingwane yonkhe ledzingekako. - Imibono levakalako minyentana, - Isekkelwe kahle ngekucaphuna encwadzini lefundvwako. - Luhlobo lwetemibhalo nencwadzi ukuvisisa kahle. 	Licophelo leisetulu 7–7½ emamaki	<ul style="list-style-type: none"> - Indzaba ihleleke kahle - Singeniso nesipheto kuhle kakhulu. - Imicondvo, nemibono yakhe ilandzeleka kalula. - Lulwimi, ithoni. nesitayela kwemukelekile futsi kuhambisana nenhlosongco yembhalo. - Indzaba yetfuleke kahle.
Lizinga 5 60%–69%	Lokuncomekako 09–10 Emamaki	<ul style="list-style-type: none"> - Indzaba ikhomba kuvisisa nekusichaza kahle sihloko. - Imphindvulo inemininingwane lencomekako. - Leminye imibono levakalako iniketwe yasekelwa ngekucaphuna encwadzini, kodvwa hhayi ngalokunembako - Tikhona tinhomba tekuvisia luhlobo lwetemibhalo kanye nencwadzi lefundvwako. 	Lokuncomekako 6–6½ Emamaki	<ul style="list-style-type: none"> - Sakhwo siyacaca nemicondvo yetfulwe ngalokulandzelekako. - Singeniso, sipheto, naletinye tindzima kuhleleke ngalokukhomba budlewane bemicondvo. - Kwetfulwa kwemibono kuyalandzeleka. - Lulwimi, ithoni, nesitayela kuyancomeka futsi kuyemukeleka.

Lizinga 4 50%–59%	Lokwenetisako 7½–8½ Emamaki	<ul style="list-style-type: none"> - Sihloko sichazwe ngalokwenetisako kodvwa akakhoni kudzingidza tonkhe tinhlangotsi - Ikhona leminye imibono lesekela sihloko. - Cishe yonkhe imibono yesekelwe kodvwa lobufakazi abusibo lobujabulisako - Luhlobo lweTemibhalo nencwadzi ukuvisisa kancane. 	Lokwenetisako 5–5½ Emamaki	<ul style="list-style-type: none"> - Tikhonyana tinkhomba tekuhleleka kwendzaba. - Indzaba ite kahle sakhiwo lesinemiconvo lelandzelekako lebumbene kahle. - Kunemaphutsa ekusebentiseni lulwimi , - ithoni nesitayela kusebentiseke kahle. - Sikhatsi lesinyenti tindzima cishe tibhaleke kahle.
Lizinga 3 40%–49%	Lokulingene 06–07 Emamaki	<ul style="list-style-type: none"> - Imphindvulo ayinalo lisasasa, ayihehi. - Imphindvulo ikhomba kusivisia kancane sihloko. - Imibono ayivakali kahle futsi uyisebentisa kancane incwadzi kwesekela imibono yakhe. - Umfundzi akaluvisisi kahle luhlobo lwembhalo noma lencwadzi lefundvwako. 	Lokulingene 4–4½ Emamaki	<ul style="list-style-type: none"> - Luhlaka nesakhiwo lunemaphutsa - Imibono ayikahleleki ngalokukhomba kuhambelana kwemicondvo - Kunemaphutsa ekuhleleni tindzima. - Kunemaphutsa ekusebentiseni lulwimi. - Ithoni nesitayela akuhambisanu nenhlosu yalombhalo.
Lizinga 2 30%–39%	Lokuyincenyé 4½–5½ Emamaki	<ul style="list-style-type: none"> - Sihloko usivisia kancane ngalokungenetisi. - Uyatiphindzaphindza, ahle aphuma nasesihlokweni anhlanhlatsha. - Imibono ayijuli, inchazeloy esihloko inemaphutsa - Imibono ayikasekelwa ngekucaphuna encwadzini lefundvwako. - Incwadzi akayati kahle neluhlobo lwetemibhalo akaluvisisi kahle. 	Lokuyincenyé 3–3½ Emamaki	<ul style="list-style-type: none"> - Indzaba yetfulwe ngalokungenelisi - Kweswelakala kwesakhiwo kwenta imibono ingalandzeleki. - Lamaphutsa lamanyenti avele ente le eseyi ibe ngumbhalo longakaphumeleli.
Lizinga 1 0%–29 %	Akunamphumele-lo 0–4 Emamaki	<ul style="list-style-type: none"> - Imphindvulo inako kuhambelana nesihloko kodvwa imibono ilandzeleka kalukhuni. - kulesinye sikhatsi ayihambelani nesihloko. - Umbuto awukaphendvuleki ngendlela lefanele. - Imibono lemincane lekhona ayikasekelwa ngekucaphuna encwadzini lefundvwako. - Kuvisisa luhlobo lwetemibhalo noma incwadzi lefundvwako kusezingeni lelipansi kakhulu. 	Akunamphumelelo 00–02 Emamaki	<ul style="list-style-type: none"> - Kulukhuni kubona kutsi uphendvula ngesihloko labutwe ngaso. - Kute luhlaka nesakhiwo - Kute tindzima noma kuchumana kwetindzima noma kwemicondvo. - Lizinga lekusebentisa lulwimi liphasi kakhulu. - Ithoni nesitayela akukasebentiseki kahle.